

پازار ايرتسى

فى ۱۲ ذى القعدة سنه ۱۳۲۸

وفى ۱ تشرين ثانى سنه ۱۳۲۶

جمعيت علميه اسلاميه نك ناشر افكاريدر

صاحب امتياز :

فانج مجيز درسماملرندن

استانبول مبعوثى

مصطفى عاصم

سر محرر :

فانج مجيز درسماملرندن

توقاد مبعوثى

مصطفى صبرى

مدیر مسئول :

مكتب قضاء معلملرندن

كليسلى منير

مندرجات

دين مبین اسلام و قولرا م . صفوت

تاریخدن بر غنچه

ادبیات

شیخ سعدینک بر سرگذشتی طاهر المولوی

تلخیص ع . خیری

غزل طاهر المولوی

تقی نومیده سعود المولوی

یکی قیو شیخی عبدالباقی افندینک آمارندن « «

متفرقه



نسخه سی ۱ غروشدرد

آبونه اجرتی (پوسته اجرتیه برابردر)

استانبول وولایات ایچون :

بر سنه لکی ۵۰ غروش

التي آیلنی ۲۵ »

ممالک اجنبیه ایچون :

۱۳ ، ۰۰ فرانق

» ۶ ، ۵۰


درج اولنیمان اوراق اعاده ایدلمز

قارئلرمنزه

۱ اکثر مقالاته آیات کریمه واحادیث نبویه درج ایدلمش بولندینی نظر اعتباره آلنه رق رعایتسزلکده بولنمامسی رجاولنور .

درساعات

محمود بك مطبعه سنده طبع اولنمشدر



پازار ایرتسی کونلری نشر اولنور دینی ، ادبی ، سیاسی وفنی هفته لقی غزته در .

مجلس ملی عثمانی

بوکون مجلس ملی عثمانیک اوچنچی دوره
اجتماعنک رسم کشادی اجرا اولنه جقدر .
همان جناب حق بالجمله ملت عثمانیه حقنده
متیمن ومسعود ایلوب ملت وکیللرینی خدمات
مبورهلرنده موفق بانخیر ایلسون امین .

دین مبین اسلام

و

قولرا

انسانلر اوتهدنبری کرک حق وکرک باطل بر طاقم
اعتقاداتک - یاحقیقه نفسنده حاصل اولان اذعان قلبی سببیه

ویا خود مسؤولیت مادیه ویامعنوی سندن تولد ایده جک
محاذیردن احترازاً - منقاد واسیریدر لر .
بواعتقادات ایسه مع التأسف بر قسم انسانلر اوزرنده
اجرا ایتمدیکی تأثیره نسبة قسم کلیسنک اذعان اولمقدن
زیاده تلقینی اولدینی کورلمکده در . حالبوکه اعتقاد ،
ایمان دنیلان برشی یالکیز بر تلقینله دلیلر ، بر هانسز
کوری کورینه قبول ایدیویرمک معناسنه اولیوب بلکه
عقلنک ایردیکی قدر ادله وبراہین آرایه رق اذعان قاجی
حاصل ایتمکدن عبارتدر . کرچه کتله انسانیتی تشکیل
ایدن ملنلر کندیلرنجه قبول ایدلمش بر اصله مستند درلو
درلو عقیده لر طاشیمقده کرک برهانی وکرک تلقینی
او عتسائی محفاظله ایچون یکدیگره قارشی هر صنف
کندی عقیده سنی تصویب ایتمکده ایسه لرده هر ملتک عقایدی
کندینه خاص اولمسی لازم کلیرکن یا استناد ایلدکنری
اصلده مناسبت ویا خود یکدیگرندن اخذ وقبول سببیه
اکثر ملنلرک عقیده سته دیگر ملنلرک عقیده سی کیرمش

و یو صورتله عوام اعتقاداتی صرف کندی دینک عقایدینه منحصر اوله میهرق آرمسنه بر جوق ارجو فلهل دهـ طوغریبی کندی دینه مغایر عقیده لر کیره مکدن قورتولامامشدر .

صرف آغزندن آغزه اجرا ایدیلان تلقینات ایله حفظ ایدیلان عقیده لر شویله طورسون بونجه امکملر چکیلهرک کتبخانه لر طولوسی کتابلریاز بلهرق بر اصل میتنه و بر قاعده رصینه اوزره بنا ایدیلن عقائد اسلامیه بیله عوام آغزنده هان هان درلو شکلر آلمقدن آراجیف یونانیه و اساطیر اسرائیلیه بر اهمیت مخصوصه و برلمکدن لاعلی التعمین هانکی کتابده اولورسه اولسون یازیلان برشئی حق اولهرق تلقی ایدیورمکدن تخلص کریبان ایدمه مامشدر

عوام دینانجه خاطره یالکیز چیغیتچی ، چوبان ، قوجه قاریلر خاطره کلسون ، چونکه عوام تعبیر ایتدی کمز یالکیز بونلر دکدر . بلکه بونلرک ایچنده اولدقجه کندیخی خواصدن عد ایدن اوقور یازار فقط اساس عقائد اسلامیه واقف دکل بر جوق اهالیز بوکون چهارشنبه قاریسنه ، غول بیانی نک وجودینه ، بهض مملکتلرده جنازه لرک حور تلاق چیقدیغه اینانمامنی اعتقاد سزلقدن عد ایده جک قدر بر فکره مالکدرلر .

بونکده سبی : قواعد اسلامیه نک اساسیجه لر ی بتون عربجه یازلمش اولوب عقائد دینه استحصالنه چالیشانلرک بر قسمی کتب عربیه دن استخراج حقایقه مقتدر اوله بیلیر سده بر قسمی یا چالیشیر استحصال ایده منر و یاخود کندیسنده عرب اسانیله اصلا مناسب کورمدیکچون چالشمغه بیله یلتمز بوسورتله قولاقدن قولاغه انتقال ایده کلش عقایدک بر طاقم ترهات ایله قاریشه جنی بدیهیدر . برده اوتنه دنبری بزده جاری بر عادت وار : اوده

هر نه ده اولورسه اولسون بر کره اساسی قور مقسزین بتون اختلافاته برابر او اساسی ضبطه اوغرا شیر زده عقاید دینه استحصاله اوغراشان طالب اساس ایله

اختلافاتی بر برینه قاریشدره رق متین بر عقیده مالک اولقی شویله طورسون کندیسی بر تذبذب ایچنده حیران و ولهان بولمقدن بشقه برشئی الله ایده مدیکی ایچون ینه او قولاقدن ضبط ایده بیلدیکنی اصل عقاید دینه اولهرق تلقی به مجبور و مضطر اولبور . اشته بو محذورک اوکنی آلمق آله بیامک ایچون عقاید اسلامیه کتابلری هر کـک اکلا به بیله جکی وجهله ترکیجه به ترجمه ایدهرک بتون اهل اسلامک بیوک کوچک امدادینه یتشمک لازم کلیور .

شبو مملکتده اهلیمزک دینه هر شیدن زیاده اعتنا ایتک ایتدیکنی کمال فخر ایله کوردیکمز حالده دینی ، بویله هر کـک شورادن بورادن طوبیلا یوب او کرندیکی و یاخود عقلنه کلنی قبول ایتدیکی شئی مغناسنده تلقی ایتک نه قدر خطا ایسه بویولده کی عوام اعتقاداتی تصحیحه چالشماقده آندن بیوک بر خطادر ...

عقید اسلامیه به بوسورتله فریشدریلان خطیئاتک یک جوق اسبابی وار ایسه ده باشلیجه سبیلر اولجه بیان اولدینی وجهله یونانی ، اسرائیلی بر طاقم خرافاتک دین اسلامدن معدود اولدینی ظن اولنسی در . عقاید اسلامیه نک حقیقته تمامیه واقف اوله میهرق قدرت الهی ی انکار چقه جق ظنیه بر طاقم علل ساریه نک سرایتی و اطبانک توصیه ایتدیکی اصولک تأثیرینی و بونک امثالی بر طاقم شیرلی قبول ایتک ؛ فقط شرع و عقل دائره سنده قبول ایتک بر اعتقاد سزلقی تشکیل ایده جکی ظنیده بولونسی در بویولده حرکات ایسه دینده بر مبالات مغناسنه تلقی ایدیه کلدیکندن خلافتی ادعا ایتک دینده مبالانسزلقی اولدینی کبی اطبانک سوزلرینه اهمیت و برلما مکده آریجه بر دیندار لاق اولهرق قبول ایدلمکده در .

بو جهته قواعد حفظ الصحه نک اهالی بزده عادت دکل بلکه الزم عد اولتمقده در . حالبوکه حضرت پیغمبر « العلم علما ن علم الطالب للابدان و علم الفقه للادیان »

چکینمیز . بلكه اطباءك خسته لری زهرلیدیكنی و او صورتله برچوق كسه نك محكوم موت اولدیغنی سويلك كبی بر افترا دنده چکینمیز .

عجبا آنلر انسان دکلیدر كه : انسان قیمتی تقدیر ایتمونلر ؟؟؟ .

بز بونلرك جمله سنی جهلمزدن سويلدیكمز حالده اوجهلمزی ده بر علم عرفان بیلهر ك كندی میزی ترکیب دكل بلكه جهلك تربیع در كه لرینه قدر ایندیرمكده یز . مع هذا بونلرك هیچ بریسی مغایر دین و شرع اولدیغنی بزشمدی برر بر اثبات ایدمك ادله سردیله بیان ایده جكنز . بزم اك اول ذهنمزی تخدیش ایدن برشی وار اوده میقروپ مسئله سیدر . میقروپ ایسه بوكون انكار ایتك قواعد فن طبی تعطیل قدر بیوك بر جسارته بیوك بر كورمزلكه محتاجدر . بوكون میقروپك وجودی كون كبی آشكار اولدیغنی و بر میقروپ سقوبله هر كس بو حشیراتی كوره بیله جکی انكار ایدیه مز . حتی میقروپ سز یا شانیه میه جغنی دخی سويلورلر . میقروپك مضرت ویا منفعت ویرمی مسئله سی ده میقروپك وجودی اثباتدن صكره حل ایدناهك بر مسئله در بوراده میقروپك دنیاده موجود اولدیغنی و بونلردن بر قسمك انسانی مهلك اولدیغنی فن دائرة سنده اثبات ایده جك دكل . انجق میقروپك وجودی ، مضرتی انكار ایدنلره وهمده میقروپك صوك عصرده كشف اولندیغنی ادعا ایدنلره قارشى دیرم كه : میقروپ بوندن بیك اوچوز بو قدر سنه مقدم بزه حضرت پیغمبر طرفندن خبر ویرلمشدر . وصاحب شریعت حضرت پیغمبر بیورر كه « غطوا الاناء و اوکوا السقاء فان فی السنة لیلۃ ینزل فیها وباء لایمر باناء لیس علیه غطاء او سقاء لیس علیه وكاء الا نزل فیہ من ذلك الوباء » مالی سز قابلر كزك اغرنی قاپاك صو طلوملریكزك اغرنی باغلايك زیر ا سنده بر کیجه واردر او کیجه وباء نازل اولور . او وباء قاپاقسز قاب باغسز طلوم اوزرندن كچر سه آنك ایچنه

بیورمشلردر . « دنیاده علمك بو ایکی علمه منحصر اولدیغنی ظاهر ایكن جناب پیغمبرك علم ایکی علمدر . بیورمی بو ایکی علمك قدرنی و انسانه لزومی ، اهالی بر وجهله جائز اولیان علم آنجق بو ایکی علم اولدیغنی تفهیم ایچوندر . مالی : اصل انسانلره لازم اولان علم ایکی علمدر بریسی انسانلرك وجودی علل وامراضدن مح فظه ایچون موضوع اولان علم طبدر . دیگرى ده انسانلرك دینی زوالدن محافظه مه موضوع اولان علم فقهدر . دیمك بو حدیث شریفده علم طبك علم فقهدن مقدم بیان بیورمسی كچه علم طبك علم فقهدن اشرف اولدیغنه دلالت ایتزمسده دینك احكامنی ایفا وجودك صحتنه توقف ایتدیكى ایچون علم طبك ده ا طوغریسی قواعد حفظ الصحه ره رعایتك علم فقه و احكامیله عملدن مقدم اولسی لازم كلدیكنی بیان وافاده ایچوندر .

شو حالده قواعد حفظ الصحه ره رعایتك لزومی بزه یالكنز اطبا دكل بلكه صاحب شریعت افندی زده توصیه بیورمشدر . اشته انسانلر دینك احكامیله عامل اوله بیللمك ایچون فصل اودینك مسائله واقف اولان علماء دینك سويلدیكنی قبولده مضطر ایملر صاحب شریعت افندی ز طرفندن توصیه اولان قواعد حفظ الصحه ره رعایت ایده بیللمك ایچون ده اوفن حلیك حقایقنه واقف اولان اطباءك سويلدیكنی قبولده مضطر در . فقط شوراسنی ده تمهید ایدم كه : بر دردك دواسی ایچون بشقه برشی بولم یوب انجق دینا حرام اولان برشیئی تكلیف ایتدیكى وقتده سوزنی قبول ایتك ایچون طبیبك مالم ، حازق ، متقی اولسی لازم كلیر .

بز ایسه کیممز بو قدر چکیلان امكله قارشى اطباءك برشی بیلمدیكندن کیممز اطباءك سوزینه اینامق اعتقاد سزلق اولدیغندن بحث ایده رز بر قسم ممزده میقروپك اصل سز لغندن وقولر انك الله طرفندن كلدیكندن بحث ایله اللهدن كلان برشیئك اوكنه طور یله میه جفندن یاپیلان تدابیرك بر فائده می اولیه جغنی سويله مكدن هیچ

نازل اولور ديمك . شارح حديث ده او وياه نازل اولان صوبي كم ايجرسه هلاك اولور ديور .

بوراده حل ايديه جك بعض مسائل واردر . بركره وبانك نزولي دركه بو وبا دنيلان شئ البته معنوي دكل انجق مادي برشي كه قابلك ايجنه كيرماسي ايجون قايغني قابلمقله امر بيوريلور . بو مادي اولان وباده كوزه كورنمديكي اكلانشيلوركه : انسان كورمه دن ايجرده هلاك اولور ديه نلخفظ اياه امر بيوريلور عجباً بو كوزه نورنيان مادي شئ ندر ؛ ديه برسؤال چيقارسه بوكا ويريله جك جواب ميقروب !!! ديمك اوليوركه بزم دينز بزه بوني ده خبر ويرمش فقط بز انسان اولوبده آني كوره بيله جك واسطه يه تشبث ايتامشزده اوروبا بوني اثبات ايتدكدنصكره حديثك معناسني يكي اكلامغه باشلامشز . اشته ميقروب دنيلان ماده نك وجوديني بو حديث شريف اثبات ايتديكي كي آنك مضرتني ده اثبات ايدبيور . او حالده ميقروب انساني اولديرر ديه بيليرميز؟ ديه مزمي يز؟؟ اشته اصل مسئله بورادن نشئت ايدبيور . بورايه ويريله جك جواب زهر انساني اولديرمي؟؟ اولديرمزمي؟؟ يه ويريله جك جوابك عيندر .

بوراده مادي ايله جبريه نك اعتقادلريني ذكر ايتمك فائده دن خالي دكلدر . ماديه ديركه : « كرك ميقروب كرك زهر ك حياتي ازاله ده تأثيري طبعيدر بشقه مؤثر يوقدر » جبريه ايسه « بونلرك قطعياً تأثيري ، نه حقيقه نه ده ظاهراً هيچ بر تأثيري يوقدر مؤثر انجق اللهدر » دير . امر دينده مأمور اولديغمز عدل ايسه بو افراط وتقريرط ارائه ايدن ايكي سوزك اورته سي دركه : بونلرده كي خاصه مضره طبيعي وقطعي دكلدر . يعني جناب حق تأثيريني خلق ايدرسه مؤثر درر يوق خلق ايتز ايسه تأثير ايدمه . فقط عاده الله اويله جاري اولمدركه : اكلنربله اشياه بخش ايتديكي خواصك تأثيريني خلق بيورر بناء عليه آتش ده كي خاصه احراق چوق زمان مؤثر در . انجق حضرت ابراهيمي ياقه ، دي اشته جناب حقك بخش

ايتديكي خواص ايجون تأثير خاق ايتمكده سنه الله جاري اولديغي كي مرشيئه آري آري خاصه بخش ايله سنده ينه سنه الله جاريدير . عاده اللهك جاري اولديغي شيلر ايسه خارق العاده اوله جغندن بك نادر اولور . عاده اللهك بو يولده جرياني انسانلرك كافة امور ومعاملاتنك بر صورت منظمه ده جرياني تهيل حكمت ومصلحته مبتني اوله كر كدر . ماديون ايله آره مزده كي فرق اشيا ده كي خاصه نك وتأثيرينك طبيعي اوليوب انجق عاده الله وجهله قدرت الهی ايله اولمسيدر .

ماديانده جناب حقك تأثير خاق ايتمسنده كي عاده اللهك جرياني قبول ايتكي قدرة اللهی هيچ منزله قوييق معناسنده تاق ايتمك كي بزده بك بيوك بر خطا واردر . بوكا مقابل مغويانك تأثيرينه دها زياده اعتماد ايدرز . بوفكر بزم عوامزده اوقدر ايلري كيتمشدركه : بر خسته نك طيب تداويسيله ايشلديكني خبر آليسق در حل « شفا اللهدر . طبيك ودواسنك نه اهميتي اولور » ديه او خسته نك شفاياب اولمسنده مؤثر ك همان يكانه قدرة الله اولديغي اعتراف وتصديقه شتاب ايدرز . في الواقع بو ، برجهتدن طوغري اولمقله برابر شو طبيك مرضي تشخيص او مرضه مخصوص دوايي تعيين ايتمسنده كي مهارتي بتون بتون اهمال ايتمك قواعد فن طبيك تعطيني ايجاب ايدر . بناء عليه اوله بيان ايتديكمز وجهله عاده اللهك بويله انتظام دائره سنده جرياني انسانلرك معاملاتنده كي انظامه سبب اولديغي ايجون فن طب او جريان منتظم سايه سنده بالتجربه حصوله كلشدر . شو حله طبيك مهارتي بر مرضه هانكي ماده نك تأثيرنده عاده الله جاري اولنديغي بالتجربه اكلايه بيلمسي ديمكدر . مع هذا تأثيري رانمقده ينه جناب حق فاعل مختاردر .

مغويانك تأثيرنده كي اعتقاديمزه كلنجه : بو بابده كي اعتقاديمزه براز مفرطانه در . چونكه ماديانده كي تأثير عادت الهی وجهله اولديغي كي مغويانده كي تأثيرده

جلیل الهی ایله اولدیغنی قبول ایتمکده کندیغنی پک مضطر کوروروز . چونکه بر فججان صویک ایچروسنده ملیونلر ایله مقروب بولدیغنی و بونلرک نافع و مضر اولانلری بولدیغنی ینه اطبا معاینه سیله اکلایوروز اکر بو ملیونلر ایله مضر میقروبلردن جناب حقل محافظه سی اومسیدی انسانک دکل بامکه حیوانلرک حتی اغاچلرکده یاشاماسی لازم کلیردی .

جناب حق بو حشیرات مضره دن بزى کندی اسیرکدیکی کبی بزمده کندیغنی بونلردن اسیرکهمک ایچون اطبانک بزه توصیه ایتدیکی شیلرک کافه سی امر بیوریور اطبا بزه قولرا وسائرده دن تحفظ ایچون نه توصیه ایدیور ؟ بوکی امراض ساریه اصحابندن مجانبت توصیه ایدیور . نظافت توصیه ایدیور . غدامزده احتیاط اوزره بولغنی توصیه ایدیورلر . شمدی بونلردن هانکیسی مغایر شرع و دین درکه : بز اطبانک توصیه ایتدیکی شیلری قبولده تردد ایدلم .

علل ساریه اصحابندن مجانبت کرچه وهاله مغایر شرع شریف اولدیغنی اکلاشیلور ایسه ده بوکی علل ساریه دن مجانبت حقنده وارد اولان احادیث پیغمبری اجتناب ایچون بر دلیل اوله یلیلر . حضرت پیغمبر بیورلرکه « اذا سمعتم الطاعون بارض فلا تخلوها واذا وقع بارض واتم بها فلا تخرجوا منها » مالی : سز بر مملکتده طاعون اولدیغنی ایشیدرسه کز او مملکته کیرمیکز واکر ایچنده بولندیغکز مملکتده طاعون واقع اولورسه او مملکتدن چیمیکز دیمکدر . کرچه بو حدیث شریفک تفسیرنده اکثر شراح حدیث بو ممنوعیت اعتقادلرینه بر خلل کلامک ایچوندردیورلر ایسه ده ممنوعیتک یالکیز بو سببه منحصر اولمادیغنی امراضک سرائقی اخبار ایدن بعض احادیث شریفه اثبات ایتمکده در اکرچه عقائدک خللدار اولمسی مسئله سی دخی بو ممنوعیت سبب اولورسه ده بو سببه برده سرائت قورقوسی علاوه ایدیلسه قواعد شرعه مخالفت ایدلمش

خلاف عاده الله و خارق العاده در . خارق عاده حالات ایسه عاده الله وجهله اولان حالانه نسبة پک از وقوعبولور . عزالی مرحوم احیاء المومنده « مغنویاتک مادیاته تأثیر ایدم یامسی الحق کرامته محتاجدر » بیورلر . حالبوکه بز مغنویانده کی تأثیرک دها چوق وقوعبولدیغنی قبول ایدرک بر شیخک بر خواجه نک اوقومسنى بر طیبک تدابرسنه ترجیح ایدرز . مع هذا هر ایکسنگ مؤثر حقیقیسی جنساب اولدیغنی قبول ایتدیگمزدده عقائد اسلامیه به برخلل کلیه جکی کبی عاده اللهمک جریانی وجهله شفا استحصالنه چالیشان طیب تدابرسنى خارق العاده اوله رق مغنویات واسطه سیله شفا استحصالنه چالیشان شیخ و جواجه نک اوقومه سنه ترجیحندن ده هیچ برزبان کگز . اشته جناب حقل خلق بیوردیغنی تأثیر سبیلله برطاقم مادی شیلر برعلتک تدابرسنه فصل سبب اولیور ایسه برطاقم مادی شیلرکده برعلتک ، برمرضک حصوله سبب اوله بیللجکی قبول ایتمکده دیناً بر محذور کوریه مز . بوجهت قبول ایدلیدیکی کبی بعض امراضک ساری اولدیغنی قبول ایتک منافی شرع و دین اولمز . حالبوکه بوکون تلقیح واسطه سیله یاییلان تجربه لر بعض امراضده کی سرائتی پک واضح کوسترمکده در . بوکون بونی انکار ایتک تجارب فن طبک بطلانی قبول ایتک دیمک اوله جفتدن پک بیوک برجهالت بر انصاف سزلق اولور .

اولجه وجودی کرک اطبانک تجارب و معاینه لرله وکرک حضرت پیغمبردن وبانک نزولنه دائر مروی اولان حدیث شریف ایله قبول ایتدیگمز میقروبلرک ماهیتلری حقنده کی ایضاحات ارباب طبک اکلا یوب بیللجکی بر مسئله ایسه ده یالکیز شوراسنی ایضاح ایدلم که : کرک اومیقروبلر نفسنده بر قسمی نافع و بر قسمی مضر اولسون وکرک نفسنده هپسی نافع ایسه ده بعضیلری پیسلک وسائرله ایله تفسد ایدرک مضر تولیدینه سببیت ویرسون ایقاع ایدم جکی نفع و ضرر ینه قدرت

طہارتدر . النظافۃ من الایمان سوزینک حدیث شریف اولدیغنی قبول ایتسه کده اوامرالهیہنک قطعی اولانلریته ایمان لازم اولسنه مبنی دیناً قرض اولان طہارت ایمان دندر . دیمک قبوله شایان اولدیغنی مسلمدر . بوراده ذکر ی لازم اولان بر مسئلہ وار . طہارتدن مراد اوروپانک طہارتی دکادر . کرچه اوروپالیر سواقلریخی پک کوزل تطہیر ایدرلر وجودلریخی اولرینسک ایچنی ظاہراً تمیز کوسترلر فقط حقیقتده نظافترعايت یوقدر . چونکہ آنلرک وجودلرینه عائد اولان طہارت یالکیز کوزل کیمک وخلقہ کورینہجک یریخی تمیز کوسترمکدن عبارتدر . اولرینک ایچینده ایسہ ایاق قابلریخی تایتاجقلری قاریولہ دینده چیقارملری سبیلہ حقیقۃ تمیزلک اولدیغنه بر دلیلدر . فی الواقع ظاہر تمیز کورونسه لردہ سواققده کزیلان ایاق قابلرینسک تا یتاق اوطهسنہ قدر نقیل ایدہجکی پیسکلری دوشونملی ده آندن صکرہ تمیزلکلریخی قبول ایتلیدر .

اوحالده طہارت ، طہارت اسلامیہدر بولدن نجاستدن وجوددن چیقان قان وایریک کبی شیلری تمیزلہمک انجق مسلمانلرہ مخصوصدر ایجاب ایتدیکی زمان غسلک فرض اولسی جمعه بایراملردہ سنت اولسی ده ینہ آنجق مسلمانلرہ مخصوصدر . علی الخصوص کونده بش وقده آبدست آلہرق اعضای مخصوصہ یی یاقامق دہینہ مسلمانلرہ مخصوصدر .

هیچ برملتده اسلامیتده کی تمیزلک یوقدر . طہارت اسلامیہ مدوامت ایدنلر آریحہ بشقہ بر طہارتہ احتیاج کوسترمزلر . کرچه اوروپاده شمدی زنکینلرک بانیولر وسائرلر یابدقلری کوریلور ایسده هان زنکینلرہ منحصر قالان بوتیمز لکدن بر نتیجہده استحصال اولنہمن مسلمانلرک اساسی طہارت اولدیغنی حالده مع التأسف بزم مملکتلریمیزک هیچ بریسندنہ اوروپا قدر تطہیرات بلدہ اعتنا ایدلہ مامکدهدر . هلہ وقتیلہ اصحاب خیرات طرفدن یابدیرلہرق تطہیر یچونده دائمی برغلہ براقیدلغنی

اولمز . فی الواقع حضرت پیغمبر « لاعدوی ... » حدیث شریفنده امرضک سرایتی نفی بیورمشلردر فقط بوباده شراح حدیث دیورلرک : ظاہراً بوحديث شریف امراضک نفس الامرده سرایتی نفی ایدیورکبی کورینورسده صحیح اولان نفس سرایتی نفی دکادر بلکہ بوراده نفی اولنان شی سرایتک علتہ اضافتیدر . یعنی علتک طبیعتیلہ ساری اولیوبده انجق جناب حقک قدرتیله ساری اولدیغنی بیساندر . اگر علتک قدرت الہی ایلہ سرایتی نفی اولنسه قواعد طبیہ تعطیل ایدلسی لازمکلور .

حالبوکہ حضرت پیغمبرک « لایورد ممرض علی مصح » حدیث شریفی سرایتی ظاہراً اشعار ایدیور . مآلی دوه سی خستہ لقلی اولانلر دوه لریخی دوه سی صحتده اولان کسه لرک دوه لرینک یانہ ازغرائمسون دیمکدر . بوراده کہ نہی پیغمبری صرف سرایت قورقوسندن ناشیدر دیگر بر حدیث شریفده « فرمن المجذوم کما تقر من الاسد » بیورمشلردرک : مآلی جذام علتہ مبتلا اولاندن ارسلاندن قاجدیغک کبی قاج دیمکدر براناندن بلا سبب قاجقلہ امر عبث اولدیغیچون جذام علتک سرایتدن طولای قاجقلہ امر وارد اولدیغنی میداندہدر حتی حضرت پیغمبر بنی ثقیف قبیلہ سندن کلن برالچی جذام علتیلہ معلول اولدیغندن مصافحہدن امتناع ایلہ « انا قد بايعناک فارجع » بیورمشلردر یعنی بز سنکله مبايعہ ایتدک دون دیمکدر .

اشته بو وامثالی احادیث شریفہ بعض امراضک قدرت الہی ایلہ ساری اولدیغنی اشعار ایتدیکی کبی اجتناب ایچون امر پیغمبری ده وارد اولشدر . او حالده اطبانک ساریدر دیہ خبر ویردیکی امراضدن واولدیغنی محلدن مجانبت عقائد اسلامیہ قطعاً مغایر دکادر .

اطبانک بزہ توصیہ ایتدیکی طہارتہ کلنجه بزم دینیزک باشیجه امر ایتدیکی شیلردن بریسیدہ نظافت

دیناً مأمور اولدیغمز شیلر هم دنیا هم آخرت ایچون نافعدر . بناءً علی ذلک اطباءنک بزه هر زمان توصیه ایتدیکی طهارت نظافت ذاتاً دینزک امر ایتدیکی برشی اولدیغی ایچون هم دیان و هم حفظ صحت نقطه نظرندن دایماً طهارته رعایت ایتمکله کمر ایجاب ایدر .

غدا مرده لازمه کلان احتیاطه کلنجه : بوباید اطباءنک بزه توصیه ایتدیکی شیئی ایکی درلودر بریسی بیس بوغاز لقدن ، هر اله کچن شیئی یمک دن صاقمقدر حالبوکه بوباید نهی شرعی وارد اولدیغی کچی بویه هر الیزه کچی یمکدنطولایی کونلر بلکه هفته لرحه اضطراب چکدیکمز بزم کندی تجربه لرمن ایله ثابت ایکن صرف اللهه متوکل اوله رق هر ایستیلانی ، هر اله کچی یمک خصوصیه بویه تهلکلی بر زمانلرده یمک اللهه متوکلأ کندیسنی منارهدن آتمقدن یک اشاغی قالمسه کرکدر .

مع التأسف بزم اهلایز هر شیئی بولیمکی سودکارندن چوق اولسونده فصل اولورسه اولسون دیمکی بیوجک بر تدبیر بیلیرلر . بو فیکری یالکیز فقرا کروهی دکل اولدقجه حاللی وقتلی کمسه لر بیله طاشیرلر . یمیشجاریزده مشیرلرک بو فیکرندن بالاستغاده چوروک ماللری بلدییه مأمورلرندن صاقلی اوله رق استدکاری کچی صاته بیلیرلر . حالبوکه بز هر شیئی حکومتدن . بلدیهدن بکلدیکمز کچی صحتمهز تعلق ایدن بو کچی خصوصاتی ده انلردن بکلر ایسه ک دنیا ده هیچ بر شیئه نائل اوله میز . شهر امانتک واقعا بو وامثالی خصوصاته از چوق عطالتی واریسه ده قباحته قسم کلیمی اهلایز کدر .

چونکه شهر امانتی اولردن سوقاقره پیسلاک آتسون دیه هر خانه ک اوکنه بر بکچی قویه من . سوقاقره ابدست بوزلسون دیه هر سوقاغه بر بکچی قویه من . هرکس بیس بوغازاق یا تمسون دیه آدم باشه بر بکچی قویه من . دها طوغریسی بز هر خصوصده اللهه متوکل اولمنی کندیتمزه الکقولای بر چاره بولمشز . حالبوکه باشمز بظارده کلدیکی زمان الله بزه کوکدن

حاله شونک جونک یدنده ما کل اوله رق قاله رق اووظیفه ک اوغرا دینی سوء استعمال یوزندن مملکت مزده کی عمومی آبدستخانه لر کیرییه جک برحاله بولنیور . بره کت ویرسونکه : فقر و ضرورت سببیه بشاون بازه قزانتق ایچون تمیزله بن فقیرلرده اولسه نه اوقا ک نه ده شهر امانتک باقدینی باقه جنی یوقدر . فضله اوله رق کیجه یاربیلرند او بکارا و طه لرندن استانبول سوقاقرینه تنکله رایله دوکیلان پیسلاکار دکل برانسانه حتی حیوانده یاقشمه جق حالتدندر هله هر سوقا ک بر طرفده ایجاد اولان بوخانه لر انسانی ابکرندیره جک بر حاله کتیریور . بو حالده اکثر بتله گروه عیاشین سبیت ویرمکده در .

حضرت پیغمبر انسانلرک کزه جکی اوطوره جنی یرلره تبول ایتمکی نهی بیوردینی کچی حتی توکورمکی دخی نهی بیورمشدر . زمان سعادتده شرف اسلام ایله مشرف اولان عربلر یکی مدینه کیرمکه باشلادقلرند جامع شریفک دیوارینه ، اورته سنه توکوررلردی ده حضرت پیغمبر آنلری توکورمکدن منع ایچون سزلردن بریکمز مسجد شریفه توکوررایسه برکنه ایشله مش اولور . بونک کفارتی او توکروکی طوراغه کومکدر بیوررلردی . حتی برکون مسجد سعادته دیوارنده کوردکاری برارچه سوموکی برطاش ایله ازاله بیورهرق منع بیوریدیلر .

او حالده ظن ایتیمه لم انسانلرک کزه جکی ، طوره جنی ، اوطوره جنی یرلری پیسلاکدن دنیاده قورتولدق دیه آخرتده ده قورتیلورز . چونکه مملکتک هر طرفنده عمومک بر حق واردر آنی محافظه ده هم حقوق عباد و هم حقوق المهدندر .

بزه جناب حقک و پیغمبرینک امر بیوردینی بونجه طهارت و نظافت یالکیز آخرت ایچون دکلدر . زیرا بودین مبین بزم یالکیز آخرتمزک سعادتنی تکفل ایتمز بلکه هم دنیا و هم آخرت سعادتنی دها طوغریسی آخرتک سعادتنی موجب اولان دنیا سعادتنی تکفل ایتدیک ایچون

التون ایندیریور میور اسبابنه تشبث ایدرسهك حصولده سهولت بخلق ایدیور .

او حالده قوری توكلهك هیچ فائدهسی اولمیدیغی کوریور زده ینه هر شیمزده یكانه استنادكاهمز توكل اولیور . اطبانك خصوصیه بویه بر زمانده توصیه ایندیکی تدابیره توسل یا کیسه مزه یا خودکیفمز طوقه حق دیه قورقزدن « اورت که اولم » قیلندن توكله صاریلیر . و تدابیر صحیه یه توسلی بر نوع اعتقادسزلق صایارز .

کلام کبار اولدیغنده شبهه اولیان وحیث اولدیغی دخی روایت اولئان « المعدة بیت كل داء والحمية رأس كل دواء » کلام حکمت بیانی انسته بزہ اطبانك توصیه ایندیکی وصایانك خلاصه سیدر . مآلی : معدة بتون دردلك اوی ، قرارکاهیدر . او معدنی بوزمحق شیردن صافمقدده هر دوانك باشیدر دیمك در .

اطبانك وصایاسندن ایکنجیسی ده یمکده اسرافدن صافمقدر حالبوکه الله بزہ « کلاوا واشربوا ولا تسرفوا » یعنی بیک ، ایچک ، اسراف ایتمک بیورمشدر . عجباً جناب حق نعمتی بزدن اسرکه دیکچونمی اسراف ایتمکدن منع ایتشدر . یوقسه بو نهی الهی بزم محتمزی محافظه ایچونمی وارد اولمشدر . زمان کزین سعادتده حضرت پیغمبره ملوکدن بریسی بر طیب کوندرمشدی حضرت پیغمبری واصحابی تدای ایده جک ایدی . بی چاره طیب بر چوق زمان بکله هیچ کنیدیسنه بز خسته لك ایچون مراجعت ایدن اولمیدغندن حضرت پیغمبردن مساعده الهرق مملکتته عودت ایدر . ملك عودتنك سببی سؤال ایتدیکنده جواب اولهرق : أنلر طیبیه محتاج دکلاردر . چونکه أنلر قارنلری ایوجه اچیمقمسزین یمک یمزلر . و یمک یدکاری وقت قارنلری ایوجه طویورمقسزین یمکدن ال چکرلر . بناءً علیه بوتدیر طبی سببیه انلر هیچ خسته لیمزلر دیمشدر . اشته بوکی خصوصاتی بزہ أمر اولان اطبا دکلدر . الهده بزہ بویه امر ایدیور . اطباده بو یولده توصیه ایدیور .

بوکون فنك تسکاملی بزم دینمزنك علوتنی کیتدکجه میدانه قومقدده بوجهتله دین مبین اسلام یالکیز دوستلرینك دکل بلیکه دشمنلرینك دخی مظهر قبول وتحسین اولمقدده در . حال بویه ایکن عوام اهلایزجه اطبانك سوزلرینه اهمیت ویرمامک و امراضك سرانی حقنندهکی خبرلره اینانماق ، و میقروبلرک وجودینه اینانماق بر اعتقادسزلق اولمق ودها بونك امثالی اعتقادات اساس عقاید اسلامیه دن عد اولنهرق قواعد حفظ الصحنك بزده بیوک بر اهالنه سبیت ویرمکده در .

شمعدی برشی قالیور . اوده بوکی امراضه بویه مادیات ایله دکل معنویانه قارشو قویق مسئله سیدر . بوجهت اولجه بیان اولدیغی وجهله خوارق عادات قیلندن اولسنه مبنی هر زمان تأثیری کوريله بیایر دینه مز . مع هذا قوة قدسیه اربانك انقاس قدسیه سندن وبرطاقم اوراد وادعیه مأثوره نك تأثیر معنویسندن استفاده خصوصی ده انکار ایدیه مزسه ده اربانك ندرتی وهر زمان اله کچمه مسی حسببیه معنویات بزی مادیاتدن هیچ بر زمان مستغنی قیله مز .

م . صفوت

مترق عرفان غرته سنده اوقونمشدر

تاریخندن بر غنجه

خليفة ثاني حضرت عمر رضي الله عنه أفندمزنك سـعـدین ابی وقاص رضي الله عنه ایله معیت عالیمزنده بولئان عسکره خطاباً اصـدار بیوردیغی امرنامه فاروقانه لرینك رجه سیدر :

سکا ومعیتکده بولئان عسکره شو حالده جناب حقه قارشی (تقوی) اوزره بولمکیزی امر ایدیورم ! . چونکه (تقوی) دشمنه قارشی تدارکی لازم کان اسباب ومهمانك اك اعلا وکزیده سی واداره حرب وضرربك اك قوتلی تدابیر مؤثره سیدر .